


叢書集成三編 第一五冊目錄

哲學類



理 學

關學編二卷·····	明	馮從吾撰·····	馮恭定台	大	〇一五	〇〇一
朱子語類評一卷·····	清	顏元撰·····	顏李		〇一五	〇五七
禮文手鈔五卷·····	清	顏元撰·····	顏李		〇一五	〇八七
論學酬答四卷·····	清	陸世儀撰·····	陸桴亭台	大	〇一五	一七三
志學錄一卷·····	清	陸世儀撰·····	陸桴亭台	大	〇一五	二二五
性善圖說一卷·····	清	陸世儀撰·····	陸桴亭台	大	〇一五	二二三
虛齋格致傳補註一卷·····	清	陸世儀撰·····	陸桴亭台	大	〇一五	二四一
淮雲問答輯存一卷·····	清	陸世儀撰·····	陸桴亭台	大	〇一五	二五一
理學逢源十二卷·····	清	汪紱撰·····	汪雙池中研院		〇一五	二五一

關學編

馮恭定全書卷二十一——卷二十二

本書承國立臺灣大學總圖書館借用影印

謹此

致謝

新文豐出版公司 謹啟

馮恭定全書卷二十一

長安馮從吾仲好著

關學編

理學一脈其盛衰開世運高下然自東周以還聖如孔子危于無位不得行所學徒與弟子講業于洙泗之濱晚而贊易序書刪詩修春秋定禮樂以俟後賢令斯道不終墜所謂聖人既往道在六經也孟子紹之皇皇救世所如不合徒託空言今所存僅七篇遺書耳又不幸火于秦馮少墟集 卷廿一 關學編 一

佛于東漢宋梁陳唐老莊于晉經既闢訛學又誕幻至功利之習溺文辭之尚牽漸靡成風末流莫挽蓋不知理如何學如何矣宋自濂溪倡明絕學而關中有橫渠出若河南二程新安朱子後先崛起皆以闡聖真翼道統為已任然後斯道粲然復明關中故文獻國自橫渠迄今又五百餘歲矣山川深厚鍾為儒彥潛心理學代有其人迨我明道化翔洽益興起焉如涇野則尤稱領袖者

侍御馮仲好氏關中人也弱冠即志聖道通籍

不數載以言事歸山中閒暇日惟講求正學排斥異端為憐憫所著關學編四卷始于橫渠訖于秦關計姓字三十三雖諸君子門戶有同異造詣有淺深然皆不詭于道設在聖門當所嘉與者簡冊兼收詎不宜也其書以關學名為關中理學而輯表前修風後進用意勤矣余不肖嚮往古昔有年且居子游之鄉產晦菴之里彬彬名儒不一而足未能博稽精論倣仲好體裁馮少墟集 卷廿一 關學編 二

次為成書坐視先哲遺蹟放失媿矣罪矣仲好有此舉嘆服良久遂屬長安楊令募工梓之用公同志蓋理為人人具足之理學為人人當講之學編內諸君子其力學以明理明理以完性皆人人可企及者非絕德也由諸君子而邇孔孟是在勉勉不息哉衡雖魯敢與同志共勗之萬曆戊申八月念八日新安後學余懋衡書于朝邑之貞肅堂

關學編者侍御史馮仲好集關西之為理學者

也其為孔子弟子者四人學無所考于宋得九
人于金得一人于元得八人于明得十五人諸
附見者不與焉皆述其學之大畧為小傳授受
源委可推求也夫伏羲畫卦為闢西萬世理學
祖至周有文武周公父子兄弟號稱極盛周之
後置他閭位不論西漢李唐有天下最久無能
為理學者至宋乃始有周程三先生興於瀛洛
而張子厚先生崛起關西與之營道同術合志
同方蓋當是時禪教大行先生少年亦嘗從事

馮少墟集

卷廿一

關學編

三

于斯久之悟而反正以為佛門千五百年使英
才間氣生則溺耳目恬習之事長則師世儒宗
尚之言因謂聖人可不脩而至大道可不學而
知人倫不察庶物不明上無禮以防其偽下無
學以稽其弊詖淫邪遁亂德害治其持論深切
著明如此信乎所謂獨立不懼精一自信有大
過人之才者矣程子謂博聞強識之士鮮不入
於禪卓然不惑惟子厚與邵堯夫范景仁司馬
君實豈不難哉同子厚游二程門如游定夫以

克己與四勿不和涉呂與叔以喜怒哀樂未發
由空而後中楊中立因而執之謝顯道以知覺
為仁四先生且然況其他乎呂微仲表子厚墓
稱學者苦聖人之微而珍佛之易入橫渠不必
以佛老合先王之道則子厚先生著書立言攘
斥異學生平所苦心極思幾不白於世矣迨其
後也為湖慈湖輩出而周程張朱之學日為所
晦歟然關西諸君子尚守鄆縣宗指近代學者
左朱右陸德靖之間天下靡然從之關西大儒

馮少墟集

卷廿一

關學編

四

亦所不免明聖學正人心扶世教安得起子厚
於元宗而揚乾之哉仲好之為是編也直以子
厚本於泗汲公畧見進伯傳後雖鄉里後進未
可與肩先正之過其學術醇疵臚列祀分以俟
夫八之自擇而毫釐千里之差隄防界限之嚴
詳于辨學疑思二錄中要之以子厚為正故關
學明而濂洛以下戴陽之學明濂洛以上義文
周孔之學亦明矣余謂仲好有遠慮焉有定力
焉有兼善之量焉有繼往之功焉若夫侈說其

鄉人以為游談者譽造作者程非仲好意也

大泌山人李維楨本寧父

我關中自古稱理學之邦文武周公不可尚已
有宋橫渠張先生崛起鄜邑倡明斯學皐比勇
撤聖道中天先生之言曰為天地立心為生民
立命為往聖繼絕學為萬世開太平可謂自道
矣當時孰經滿座多所興起如藍田武功三水
名為尤著至于勝國是乾坤何等時也而奉元
諸儒猶力為持墳吹簫和濟濟雖橫渠遺
馮少墟集 卷廿一 關學編 五
風將絕復見之未喪斯文也豈偶然也哉迨
我

皇明益隆道化理熙洽真儒輩出皐蘭初起
厥力允懋璫玉渾金精光含欽令人有有餘不
盡之恩鳳翔以經術教授鄉里真有先進遺風
小泉不繇文字超悟于行伍之中亦足奇矣司
徒步趨文清允稱高弟在中顯思履繩蹈矩之
死靡他至于康僖上承庭訓下啟光祿而光祿
與宗伯司馬金石相宣鈞天並奏一時學耆欽

然嚮風而關中之學益大顯明于天下若夫集

諸儒之大成而直接橫渠之傳則宗伯尤為獨
步者也宗伯門人幾徧海內而梓里惟工部為
速肖元善篤信文成而毀譽得失屹不能斂其
真能致良知可知侍御直節精忠有光斯道博
士甘貧好學無愧藍田嗚呼盛矣學者頌仰古
今必折衷于孔氏諸君子之學雖繇入門戶各
異造詣淺深或殊然一脉相承千古若契其不
詭于吾孔氏之道則一也余不肖私泐有日頃

馮少墟集

卷廿一

關學編

六

山中無事取諸君子行實儲為纂次題曰關學
編聊以識吾關中理學之大畧云嗟夫諸君子
往矣程子不云乎堯舜其心至今在夫堯舜其
心至今在諸君子其心至今在也學者能誦詩
讀書知人論世恍然見諸君子之心而因以自
見其心則靈源濬發一念萬年橫渠諸君子將
旦莫遇之矣不然而徒品隲前哲庸曉口耳則
雖起諸君子與之共晤一堂何益哉
萬曆歲在丙午九月朔日長安後學馮從吾書

于靜觀堂

關學編凡例

一是編專為理學輯故歷代名臣不敢泛入

一理學如秦子南燕子思壤駟子從石作子明

俱孔門高弟第事蹟多不詳故另列小傳于

前而編中斷自橫渠張子始

一次序各以時代庶古今不相混淆

一宋元諸儒有史傳諸書可考不佞稍為纂次

十五仍舊至 國朝諸儒中多借妄論著文

馮少墟集

卷廿

關學編

七

之工拙不卹也

一國朝諸儒特錄其所知蓋棺論定者其所未

知者姑闕之以俟

關學編首卷

秦子

秦子名祖字子南秦人一統志孔門弟子篤乎

守道唐玄宗追封少梁伯從祀孔子廟庭宋真

宗加封鄆城侯 國朝嘉靖中改稱先賢秦子

宋高宗贊曰秦有子南贊贊述作守道之淵成

德之博範若鑄金契猶發藥歷世明祀少梁龍

爵聖門人物志末二句作

燕子

燕子名伋家語字子思秦人一作沂孔門弟子

唐玄宗追封漁陽伯從祀孔子廟庭宋真宗加

封沂源侯 國朝嘉靖中改稱先賢燕子宋陳

知微贊曰八九之徒具傳大義賢哉子思道本

無愧鍾靈成錫浴德洙泗增封沂源皇澤斯被

聖門人物志贊曰師席高振大成是集道傳一

馮少墟集

卷廿

關學編

八

貫速肖七十善教云表儒風可立漁陽之士得

跂而及

石作子

石作子名蜀字子明秦之成紀人一統志擊孔

門弟子唐玄宗追封石邑伯從祀孔子廟庭宋

真宗加封成紀侯 國朝嘉靖中改稱先賢石

子宋高宗贊曰在昔石邑能知所尊懋依有德

克述無言鼓篋槐市場名里門此道久視彼美

常存按姓氏英賢傳有石作蜀氏族畧複姓篇

有石作氏注云石作蜀孔子弟子據此當稱石
作子稱石子者誤

壤駟子

壤駟子名赤字子從家語壤作穰秦人一統志

孔門弟子唐玄宗追封北海伯從祀孔子廟庭

宋真宗加封上却侯國朝嘉靖中改稱先賢

壤子宋高宗贊曰式是壤侯昭乎聖徒執經請

益載道若無詩書規矩問學楷模得時而駕領

袖諸儒按通志畧壤駟氏複姓今稱壤子誤

馮少墟集

卷廿一

關學編

九

關學編目錄

卷一

宋

橫渠張先生載

天祺張先生載

進伯呂先生大忠

和叔呂先生大鈞

與叔呂先生大臨

季明蘇先生駟

吳之范先生育

師聖侯先生仲良

天水劉先生愿

卷二

金

君美楊先生天德

元

紫陽楊先生與

鑑山宋氏規附

元甫楊先生恭懿

馮少墟集

卷廿一

關學編

十

維斗蕭先生與

伯元呂氏堽附

寬甫同先生恕

從善韓先生擇

伯仁侯先生均

士安第五先生居仁

悅古程先生瑄

卷三

明

容思陵先生堅

默齋張先生

小泉周先生

大器張先生

介菴李先生

思菴薛先生

平川王先生

卷四

明

涇野呂先生

馮少墟集

卷廿一

谿田馬先生

苑洛韓先生

瑞泉南先生

斛山楊先生

愧軒呂先生

蒙泉郭先生

秦關王先生

關學編卷一

宋

抑之張氏銳附
仲白李氏錦附

開學編

十一

雲林尚氏班爵附

石谷張氏節
正立卒氏挺附

橫渠張先生

先生名載字子厚郿人為志氣不羣少孤自立無所不學喜談兵至欲結客取洮西之地年十八以書謁范文正公公一見知其遠器欲成就之乃謂之曰儒者自有名教可樂何事于兵因勸讀中庸先生讀其書遂翻然志于道已猶以為未足又訪諸釋老累年盡究其說知無所得反而求之六經當坐虎皮講易京師聽從者甚衆一夕程伯淳正叔二先生至與論易二先

馮少墟集

卷廿一

開學編

十一

生于先生為外兄弟之子卑行也而先生心服之次日語人曰比見二程深明易道吾所弗及汝輩可師之即撤坐輟講與二程論道學之要渙然自信曰吾道自足何事旁求於是盡棄異學淳如也文潞公以故相判長安聞先生名行之美以東帛聘延之學宮禮重之命士子矜式焉嘉祐二年舉進士為祁州司法參軍遷雲巖縣名在宜川令政事以敦本善俗為先每月吉具酒食召父老高年者會于縣庭親勸酬之使

人知養老事長之義因訪民疾苦及告所以
戒子弟之意有所教告常患文檄之出不能盡
達于民每召鄉長于庭諄諄口諭使往告其里
閭間有民因事至庭或行遇于道必問某時命
某告某事聞否聞即已否則畢其受命者故教
命出雖僻壤婦人孺子畢與聞俗用愈然熙寧
初遷著作佐郎簽書渭州軍事判官御史中丞
呂晦叔公著薦先生于朝曰張載學有本原西
方之學者皆宗之可以召對訪問上召見問治
馮少墟集 卷廿一 關學編 三

道對曰為治不法三代者終苟道也上說之曰
卿宜日見二府議事朕且將大用卿先生謝曰
臣自外官赴召未測朝廷新政所安願徐觀旬
月繼有所獻上然之他日見執政王安石安石
謂曰新政之更懼不能任事求助于子何如先
生曰朝廷將大有為天下之士願與下風若與
公為善則孰敢不盡如教玉人追琢則人亦故
有不能執政默然所語多不合寔不悅既命校
書崇文辭未得請復命按獄浙東程伯淳時在

御史裏行爭曰張載以道德進不宜使治獄
石曰淑問如皋陶猶且讞囚此庸何傷命竟下
實疏之也獄成還朝會弟御史天祺及伯淳並
以言得罪乃移疾西歸屏居橫渠橫渠至僻陋
僅田數百畝供歲計人不堪其憂先生約而能
足處之裕如終日危坐一室左右簡編俯而讀
仰而思有妙契雖中夜必取燭疾書嘗謂門人
曰吾學既得諸心則修其辭命辭命無差然後
斷事斷事無失吾乃沛然蓋其志道精思未始
馮少墟集 卷廿一 關學編 十四

須臾息亦未嘗湏臾忘也學者有問多告以知
禮成性變化氣質之道學必如聖人而後已以
為知人而不知天求為賢人而不求為聖人此
漢以來學者之大弊也故其學以易為宗以
中庸為體以禮為的以孔孟為法窮神化一天
人立大本斥異學自孟子以來未之有也近
世喪祭無法喪僅隆三年期以下恬未有衰麻
之變祀先之禮用流俗節序祭以褻不嚴於是
勉修古禮為薄俗倡耆功而下為製服輕重

儀實始行四時之薦曲盡誠潔教童子以灑掃
應對給侍長者女子未嫁者必使觀于祭祀
酒漿以養遜弟而就成德嘗曰事親奉祭豈可
使人為之聞者始或疑笑終乃信而從之相倣
復古者甚衆黜中風俗為之大變熙寧九年秦
鳳帥呂微仲大防薦之曰張載之學善發聖人
之遺意其術畧可措之以復古宜還舊職訪以
治體詔從之召同知太常禮院及至都公卿聞
風爭造然亦未有深知之者以所欲言嘗試於
馬少墟集 卷廿一 關學編 五
人多未之信會言者欲講行冠昏喪祭禮詔下
禮官議禮官徂故常以古今異俗為說先生力
爭之不能得過三年郊禮官不致嚴力爭之又
不從先生知道之終不行也復謁告歸中道而
疾病抵臨潼卒年五十八貧無以歛門人共買
棺奉其喪還翰林學士許將言其恬于進取乞
加贈卹詔賜館職賻先生氣質剛毅望之儼然
與之居久而日親勇于自克人未信惟反躬自
艾即未喻安行之無悔也聞風者服義不敢以

私于之居恒以天下為念聞皇子生喜見顏面
行道見饑殍輒咨嗟對案不食者終日聞人善
輒喜咨問學者雖多不倦有不能者未嘗不開
其端行游所至必訪人才有可語者必丁寧以
誨之惟恐其成就之晚雖貧不能自給而門人
無貧者輒齎糲與共嘗慨然有志三代之治論
治人先務未始不以經界為急以為仁政必自
經界始貧富不均教養無法雖欲言治皆苟而
已方欲與學者買田一方畫為數井上不失公
馬少墟集 卷廿一 關學編 六
家之賦役退以其私正經界分宅里立欽法廣
儲蓄興學校成禮俗救菑恤患敦本抑末足以
推先王之遺法明當今之可行有志未就而卒
始先生為學亦頗秘之不多以語人曰學者雖
復多聞不務蓄德祇益口耳無為也程伯淳閑
之曰道之不明久矣人善其所習自謂至足必
欲如孔門不憤不啟不悱不發則師資勢隔而
先王之道或幾乎熄矣趨今之時且當隨其資
而誘之雖識有明暗志有淺深亦各有得而亮

舜之道庶可馴至也先生用其言故關中學者躬行之多與洛人並歷數世不衰先生所著書曰正蒙嘗自言吾為此書譬之樹株根本枝葉莫不悉備充榮之者其在人功而已又如辟盤示兒百物具在顧取者何如耳書成揭書中乾稱篇首尾二章實在左右曰訂頑曰砭愚已程正叔改曰西銘東銘其西銘曰乾稱父坤稱母予茲藐焉乃混然中處故天地之塞吾其體天地之帥吾其性民吾同胞物吾與也大君者吾馬少墟集 卷廿一 關學編 七

恭也體其受而歸全者參乎勇于從而順令者伯奇也富貴福澤將厚吾之生也貧賤憂戚庸玉汝于成也存吾順事沒吾寧也程正叔謂西銘明理一而分殊擴前聖所未發與孟子性善養氣之論同功又謂自孟子後未見此書先生學古力行篤志好禮為關中士人宗師世稱為橫渠先生門人私謚曰誠明朱文公贊曰早悅孫吳晚逃佛老勇徹臯比一變至道精思力踐妙契疾書訂頑之訓示我廣居理宗淳祐初謚馬少墟集 卷廿一 關學編 六

天祺張先生

先生名敬字天祺橫渠先生季弟少而莊重老成長而好學不喜為雕蟲之辭以從科舉父兄敦迫喻以為貧乃強起就鄉貢既冠登進士第調陝州閩縣主簿移鳳翔普潤縣令改秘書省著作佐郎知陝州靈寶渠州流江懷安車金堂縣事轉太常博士熙寧二年為監察御史裏行

明年以言事出知公安縣改陝州夏縣轉運使
舉監鳳翔司竹監熙寧九年卒年四十有七先
生歷治六七邑誠心愛人而有術以濟之力行
不急所至皆有顯效視民之不得其所若已致
之極其智力必濟而後已嘗領令華州蒲城蒲
城劇邑民悍使氣不畏法令聞訟寇盜倍徙它
邑先是令長以峻法治之姦愈不勝先生悉寬
條禁有訟至庭必以理教諭使無犯法間召父
老使之教督子弟服學省過作記善簿民有小
馮少墟集 卷廿一 關學編 九
善悉以籍之月吉以俸錢為酒食召邑之高年
聚于縣廨以勞之使其子孫侍因勸以孝弟之
道不數月邑人化之獄訟為衰為御史每進對
必以堯舜三代進于上前惻怛之愛無所遷避
其大要啓君心進有德謂及經正本當自朝廷
始不先諸此而治其末未見其可也累章論王
安石亂法乞罷條例司及追還常平使者劾曾
公亮陳升之依違不能救正韓絳左右徇從與
為死黨李定以邪諂竊臺諫呂惠卿刻薄便給

攸經術以文奸言豈宜勸講君側又詣中書省
爭之安石舉扇掩面而咲先生曰哉之狂直宜
為公咲然天下之咲公不少矣章十數上卒不
納乃嘆曰茲未可以已乎遂謝病待罪卒罷言
職既出知公安未嘗以諫草示人不說人以無
罪天下士大夫聞其風者始則聳然畏之終乃
服其厚自公安改知夏縣縣素號多訟先生待
以至誠反復教諭不遑不億不行小惠訟者往
往叩頭自引未幾靈寶之民遮使者車請曰今
馮少墟集 卷廿一 關學編 十
夏令張公乃吾昔日之賢令也願使君哀吾民
乞張公還舊治使者欣然聽其辭而言于朝去
之日遮道送不得行父老曰昔者人以吾邑之
人無良喜訟自公來民訟幾希是惟公知吾邑
民之不喜訟也言已皆泣下徙監司竹監舉家
不食筭其清慎如此先生篤實寬裕儼然正色
雖喜愠不見于容然與人居溫厚之意久而益
親終日言未嘗不及于義接人無貴賤疎戚未
嘗失色于一人樂道人之善而不及其惡樂進

已之德而不事無益之言其清不以能病人其和不以物奪志常雞鳴而起勉勉矯強任道力行每若不及德大容物沛若有餘常自省小有過差必語人曰我知之矣公等察之後此不復爲矣重然諾一言之欺以爲己病少孤不得事親而奉其兄以弟就養無方極其恭愛推而及諸族姻故舊罔不周恤有妹寡居于不克家先生力爲經其家事有一二故人死不克葬十餘年先生惻然不安帥其知識合力聚財乃克襄焉少墟集

卷廿一

關學編

廿

進伯呂先生

先生名大忠字進伯其先汲郡人祖通太常博士父蒼比部郎中通蔡藍田子孫遂爲藍田人先生登皇祐中進士爲華陰尉晉城令未幾提

督永興路義勇改秘書丞簽書定國軍判官熙寧中王安石議遣使諸道立緣邊封溝進伯與范育被命俱辭行進伯陳五不可以爲懷撫外國思信不治必致生患罷不遣令與劉忱使遼議代圯地會遭父喪起復知代州遼使至代設次據主席先生與之爭乃移次于長城北遼使竟屈已而復使求代北地神宗將從之先生曰彼遣一使來即與地五百里若使魏王英弼來求關南則何如神宗曰卿是何言也劉忱曰大

馮少墟集

卷廿一

關學編

廿二

忠之言社稷大計願陛下熟思之執政知其不可奪議竟不決罷忱還三司先生亦終喪制其後竟以分水嶺爲界馬元豐中爲河北轉運判官徙提點淮西刑獄尋詔歸故官元祐初歷工部郎中陝西轉運副使知陝州以直龍圖閣知秦州進寶文閣待制紹聖二年加寶文閣直學士知渭州後汲公及黨禍乞以所進官爲量移徙知同州旋降待制致仕卒詔復學士官佐其葬知秦州時馬涓以狀元爲州簽判初呼狀元

先生謂之曰狀元云者及第未除官之稱也既
為判官則不可今科舉之學既無用修身為己
之學不可不勉又時時告以臨政治民之道洎
自為得師後為臺官有聲每嘆曰呂公教我之
恩也謝上蔡時教授州學先生每過之聽謝講
論語必正襟歛容曰聖人之言行在焉吾不敢
不肅先生為人質直不妄語動有法度從程正
公學正公稱曰呂進伯可愛老而好學理會直
是到底所著有輞川集五卷奏議十卷弟大防
馮少墟集

卷廿一

關學編

三

和叔呂先生

先生名大鈞字和叔大忠弟嘉祐二年中進士
乙科授秦州司理參軍監延州折博務改光祿
寺丞知三原移巴西又移知候官以薦知涇陽

皆不赴丁外艱服除自以道未明學未優曰吾
斯之未能信於是不復有祿仕意家居講道以
教育人才變化風俗期德成而致用久之以大
臣薦為諸王宮教授當獻文作天下一家中國
一人論上尋監鳳翔船務制改宣義郎會伐西
夏鄜延轉運司檄為從事既出塞轉運使李稷
餽餉不繼欲還安定取糧使先生請于种諤諤
曰吾受命將兵安知糧道萬一不繼召稷來與
一劒耳先生即曰朝廷出師去塞未遠遂斬轉
馮少墟集

卷廿二

關學編

四

運使無君父子意折彊謂先生曰君欲以此
報親先報受蜀先生怒曰公將以此言見恐
耶吾委身事主死無所辭正恐公過耳諤見其
直乃好謂曰子乃爾耶今聽汝矣始許稷還是
時微先生盛氣誚諤稷且不免未幾以疾卒於
官年五十有二先生為人質厚剏正初學於橫
渠張子又卒業於二程子以聖門事業為已任
識者方之季路先生於橫渠為同年友及聞學
遂執弟子禮時橫渠以禮教為學者倡後進數

于習尚其才俊者急于進取昏塞者難于領解寂寥無有和者先生獨信之不疑毅然不恤人之非問已也潛心玩理望聖賢尅期可到日用躬行必取先王法度以爲宗範居父喪哀麻歛奠比虞祔一襲之于禮已又推之冠婚飲酒相見慶弔之事皆不混習俗與兄進伯微仲弟與叔率鄉人爲鄉約以敦俗其畧云德業相勸過失相規禮俗相交患難相卹節文燦然可觀自是關中風俗爲之一變橫渠嘆秦俗之化和叔

馮少墟集

卷廿一

關學編

廿

有力又嘆其勇爲不可及而程正公亦稱其任道擔當其風力甚勁云先生少時瞻學洽聞無所不該嘗言始學必先行其所知而已若夫道德性命之際惟躬行久則至焉橫渠謂學不造約雖勞而艱于進德且謂君勉之當自悟至是博而以約渙然氷釋矣故比他人功敏而得之尤多其與人語必因其所可及而喻諸義治經說得于身踐而心解其文章不作于無用能守其師說而踐履之尤喜講明井田兵制謂治道

必自此始悉撰次爲圖籍使可見之行曰如有用我舉而措之而已其卒也范巽之表其墓曰誠德君子又曰君性純厚易直強明正亮所行不二于心所知不二于行其學以孔子下學上達之心立其志以孟子集義之功養其德以顏子克己復禮之用厲其用其要歸之誠明不息不爲衆人沮之而疑小辨奪之而屈勢利劫之而回知力窮之而止其自任以聖賢之重如此當先生卒時妻种氏治先生喪一如先生治比

馮少墟集

卷廿一

關學編

共

部公喪諸委巷浮圖事一屏不用子義山能傳其學人以爲道行于妻子云所著有四書註誠德集其鄉約鄉儀朱文公表章之行于世鄉約今爲令甲

與叔呂先生

先生名大臨字與叔號芸閣大鈞弟以門蔭入官不復應舉或問其故曰某何敢拚祖宗之德元祐中爲太學博士秘書省正字嘗論選舉曰立士規以養德厲行更學制以量才進藝定試